

Iuku ria Ngai ria twana
Ribureterete

Mwambirio jwa
muthuuro jwa
muuntu



Riandikitwe ni: Edward Hughes

Rionanitwe ni: Byron Unger; Lazarus
Alastair Paterson

Ruamukiri ni: M. Maillot; Tammy S.

Ritauritwe ni: Florence K. Arimi


Riaritwa ni: Bible for Children
www.M1914.org

©2020 Bible for Children, Inc.

Laisence: Niwitikiritwe gukobia kana kuritithia rugono ruuru,
bunka ruti rwa kwendwa.




MURUNGU AROOMBA IINTO
BIONTHE! Riiria Murungu oombire
muuntu wa mbere, Adamu, niaturiire
muundene jwa Edeni na mwekuru
waawe, Hawa. Nibagwiritue muno na
nibaathikagira Murungu
na kumukeneera mwanka
ntuku imwe ...





"Murungu niabukaniirie kuria matunda ja miiti yonthe?" Njok iroria Hawa. "Noturie matunda ja miiti yonth tiiga jumwe," aracokia. "Twaaria kana twaringithia muuti juu, gatugakua" "Butikua," njoka iramucookeria. "Bukaguanana na Murungu." Hawa niendga itunda ria mutunda juu.



Arathikiiria njoka na araria itunda.



Hawa akurikia kurega kwathikira
Murungu, na kuuria itunda ria muti
juubakaniitue; ningi ararumia
Adamu nawe araria. Adamu
eejaga kuga atiri, "Arii!
Ntirega kwathikira
ruteto rwa
Mwathani."





Riria Adamu na Hawa beeirie,
metho jao bobairijaramincuka, baramenya ati
bari kithunu. Baratumaniiria mabura ja mukuu
amwe barathithia tuguutwa kwogera kauna na
baraciitha kithakene batikonwe ni Murungu.



Thaa cia ogoro Murungu areeta muundene. Ni aiji uuria Adamu na Hawa bathithitie. Adamu arauga ni Hawa wamwairirie araria itunda. Hawa nawe arauga ni njoka ymwairirie. Murungu arauga, "Njoka iri na kirumi. Mwekuru nawe akagia na rwakai rurunene akigia twaana."



Tontu buu Mwathani Murungu
arabenga kuuma muundene
jwa Edeni. Niuntu nibeirie
barathuranwa
na Murungu
muejani
mwoyo.





Murungu arathithia
ruchiu rugwakana mwanki rwa kubenga
kuuma muundene. Mwathani Murungu
aratumira Adamu na mwekuru
wawe nguu cia miguuta
arabeekira. Murungu
aaritite
miguuta
iji ku??


Nyuma ya kagiita gagakai, ruciaro rwa Adamu na Hawa rurambiiria. Mwana wa Kaiji wa mbeere, Kaini, araa murimi. Mwana wa bairi, Abeli araa Muriithi wa ng'ondu.



Ntuku imwe Kaini n aikiirie Mwathani
kigongwana kia mciara ja muunda. Kinya Abeli ni
aikiirie kigongwana kia ng'ondu iria nthongi muuno
kiri Murungu. Murungu areetikira
Abeli na kigongwana kiiaawe.



Murungu ataatindaniira na kigonwana
kia Kaini. Tontu buu Kaina arathuura
mono. Indi Murungu areera Kaini
atiri, "Weeja kuthithia uuria
kwagirite, ukaarega wikikirwa
na kigongwana giaaku?"




Muthuuro jwa Kaini jutathiriire.
Au nyumene bari kienine, Kaini
arumbuthukira mutana wa ng'ina
Abeli - aramuuraga.




Murungu arooria Kaini atiri, "mutaana wa nyakwe Abeliari ku?" Kaini araaria urongo arauga, "Ntiiji ni, Ka ndi mukaria wa mutana wa chiaa?" Murungu araerithia Kaini na kujukia kitharimo kiawe kia urimi na aramwira akethagirwa atina gikaro na akaa mbereera thiguruune.



Tontu buu, Kaini araciitira araura weegene bwa
mwathani. Aragura mwaari wa Adamu na Hawa.
Barambiriiria kuenta kuenta twaana.
Kagita gatikaraja, tujuuju na tuujui
twa Kaini, turojuria ntuura ineene



iria Kaini
ambiiritie.



Oorio, ruriiyo rwa Adamu na Hawa
rurakura na mpui muno. Kagiita kau antu
nibatuuraga iaka imiingi nkuruki ya nandi.



Riiria mutaana wawe Sethi aciarirwe, Hawa arauga,
"Murungu ampeere Sethi aruungama kanyene
ka Abeli" Sethi niendete Mwathani muno
na akuire ari na ukuuru bwa miaka Magana
kenda ja ikumi na iiri (912) na
natharimirwe na aana




babaingi
muno.



Murungu nionire ati umaramari bwa antu bukwingia mono nthiguruune. Mwishone, arabanga kuuthiria antu bonthe nthiguru na nyomoo cionthe na nyoni. Murungu arairira gitumi ombiire muntu.

Iindi nikwari



na muntu
umwe
wagwiriirie
mwathani.



Muntu uju eetagwa Noa. Noa aumanitwe
na ruuriyo rwa Sethi, nawe aari muntu
uumwagiru utaari na igi nthukiine yaa.
Noa ni eethagirwa ari na
ngwataniro na
Murungu.



Noa niaritaniite ataana baawe
bobathaatu kwathikira Murungu.
Murungu arabaanga gutumira Noa
na njiira ya kurigarania nay a
mwanja muno!



Mwambirio jwa muthuuro jwa muuntu

Karugono kuuma kiri kiugo kia Murungu,
iuku ria Ngai

koneekete kuuma

Kiambiriria 3-6

"Witikio bwa kiugo kiawe nikiyo utheeri."

Zaburi 119:130



Mwisho



Iuku riiri ria Murungu riiritwiira maantu ja Murungu wa kurigaraaria muuno uuria watumbiire na uuria weendaga umumeenya.

Murungu niaiji nituthiithitie maantu jamathuku muno, jaaria etaaga meeyia. Nthiinjire ya meeyia ni gikuo, indi mwathani akuendete muno niuntu niatumire muutana waawe wa muumwe jesu, araambwa mutharabeene na araewa nthiinje niuntu bwa meeyia jaaku. Jesu niaariukire na areeta njeewe iguuru! Weetikania na nteeto cia Murungu na wairiira meeyia jaaku, akaathithia uu! Akeeja atuure ndeene yaaku kairi, na ugaatuura nawe kenya na kenya.

Kethira nugwitikia iji ni nteto ciam, iira Murungu mantu jaja: Kiri Jesu, nimbitikitie ugwe uri mwathani, na waare muntu nikenda ukua nontu bwa meeyia jakwa, na nandi uri mwoyo. Ndaromba wiije ndeene ya mwoyo jakwa na undekeere meeyia jakwa nikenda nkaagia na utuuro bubweru na ntuku imwe nkeeja ntuure nagwe kenya na kenya. Nteetheria nkuathikire na nguturiireta mwana waku. Ameni.

Thooma Iuku ria Murungu na waarie na Mwathani ntuku cionthe!
Johana 3:16

